

# Seera Barnoota Namoota Qaama Miidhamoo (Individuals with Disabilities Education Act, IDEA)

## Kutaa C Eegumsoota Qajeelfamaa (Mirgoota Maatii)

### Seensa

Gochi Barnoota Namoota Qaama Miidhamootaa (Individuals with Disabilities Education Act, IDEA) seera federaalaa daa'immanii fi ijoollee kanneen gahumsa qaban (ji'oota 36 gadi ta'an) kanneen qaama miidhamoo ta'anii fi maatiiwwan isaanitiif dhiyeessii tajaajiloota giddugaltummaa kan dhiyeessuudha. Seeronni kunniin Kutaa C IDEA jalatti haammatamanii jiru. Kunniins dambii seerota federaalaa (34 CFR Kutaa 303) akkasumas seerota fi qajeelfamoota Isteetii Waashingitan jalatti ibsamani jiru.

Waashingitan keessatti, malli Kutaa C Deeggarsa dursaa Daa'immanii fi Ijoolleewwanii (Early Support for Infants and Toddlers, ESIT) jedhama. Sirnichi hirmaannaa maatii akkasumas eeyyama maatii sadarkaa adeemsa giddugaltummaa hunda keessatti jiru, akeeka jalqabaa irraa eegalee hanga dhiyeessii tajaajilaa fi ce'umsaatti ol guddisuudhaaf tolfame.

Sagantaan ESIT mirgootaa maatii fi daa'immanii eeguudhaaf eegumsoota qajeelfamaa of keessatti dabalata. Akka dambii seerota federaalaa 34 CFR 303.400-438 jalatti ibsametti, waayeen eegumsoota qajeelfamaa kanneenii filannoo furmaata waldhabdee kan 34 CFR 303.430-438 jalatti ibsame dabalatee, akka isaan si'aayinaan hirmaataniif akkasumas tajaajiloota dhiyaatan kana keessatti gahee hoggansummaa daa'ima fi maatii isaanitiif qabaataniif maatiiwwan itti himamuu qaba. Galmeen mirgoota maatii kun beeksisa ifaa eegumsa qajeelfama daa'immanii fi maatiiwwanii kan qajeelfama federaalaa Kutaa C jalatti ibsameeti.

Dhimmaa galmees kanaatiif, "Maatii" jechuun abbaa fi hadha daa'ima, maatii guddifachaa, guddistoota seeraa, Maatii Guddisoo yookin Namoota dhuunfaa kanneen bakka maatii guddifachaa yookin dhalootaa daa'imman waliin jiraatanii ta'anii gargaaran.

***Qindeessitoota Qabeenyota Maatii (Family Resources Coordinators, FRCs), Maatiiwwan waliin hojjechuun, Kutaa C jalatti meeshaalee dabalataa eegumsoota qajeelfamaa isaanii akka hubatan maatiiwwan gargaaruu ni danda'a. Isaanis karaalee isinii fi maatiiwwan biroo ogeessota guddina daa'imman keessanii guutuun gargaaruu danda'an waliin akka hojjetan taasisuuf karaalee gorsaas kennuu danda'u.***

### Ilaalcha walii galaa Eegumsoota Qajeelfamaa (Mirgoota Maatii)

Sagantaa Deeggarsa Dursaa daa'immanii fi finnaawwanii Washingitan keessaa, Isin akka maatiitti, Mirgoota armaan gadii qabdu:

- Mirga madaallii barnoota walii galaa akkasumas gamaggammii kan guddina Karoora Tajaajila Maatii Dhuunfaa (Individualized Family Service Plan, IFSP) Walgahii IFSP jalqabaa irratti, guyyaa qajeelchaa irraa guyyoottan kalaandaaraa 45 keessatti. "Barnoota Wali galaa" jechuun hirmaannaa dameewwan garaagaraa lamaa fi isaa olii ta'e yookin ogeessummaa kanneen akka barsiisotaa fi ogeessota qaamaa kan qabu jechuudha.

***"Tajaajilootni giddugaltummaa dursaa seera qabeeyyii" adeemsa IFSP keessatti murteeffamanii jiru. IFSP'n fedhiwwan daa'immanii fi maatii adda ta'an, bu'aawwan IFSP keessatti adda baafaman galmaan gahuuf dirqama himoota tajaajiloota gidduugaltummaa adda ta'an of keessatti qabaachuu qaba. Dambiiwwan Federaalaa Kutaa C [www.govinfo.gov/content/pkg/FR-2011-09-28/pdf/2011-22783.pdf](http://www.govinfo.gov/content/pkg/FR-2011-09-28/pdf/2011-22783.pdf) Tajaajiloota giddu galtummaa duraanii akka tajaajiloota "kanneen fedhiwwan dagaaginaa daa'imman hundaa kannen Kutaa C jalatti jiran akkasumas fedhiwwan maatii akka kanneen dagaagina daa'immanii fooyyessanitti hiika itti kenna."***

- Mirga madaallii argachuu, gamaggammii, Dagaagina IFSP, Qindeessii Tajaajilaa, akkasumas eegumsoota qajeelfamaa maatiidhaaf kaffaltii tokko malee argachuu.
- Mirga madaallii argachuu, yoo isaaf eeyyama gaafattan yookin dhiyeessitan, yeroo adeemsa qorannoo kamitti iyyuu (yoo fayyadamtan ta'e).
- Kutaa C jalatti eeyyama qabaannaan, Daa'ima fi maatii keessaniif akka IFSP keessatti ibsametti **tajaajiloota gidduugaltummaa duraanii seera qabeessa ta'e** mirga argachuu qabdu.
- Mirga qorannoo, madaallii, gamaggammii fi tajaajiloota diduu.
- Mirga walgahiiwwan kanneen waayee piroposaala eenyummeessaa, madaallii, yookin ramaddii daa'ima keessanii yookin tajaajiloota gidduugaltummaa seera qabeessa ta'e daa'ima yookin maatii keessaniif dhiyeessuu irratti murtoon ni taasifama jedhamanii eegaman irratti akka hirmaataniif affeeramanii jirtu.



- Mirga beeksisoota barreeffamaa eenyummeessaa, madaallii, yookin ramaddii daa'ima keessanii keessatti osoo jijjiiramni hin ibsamni yookin hin didamiin yookin dhiyeessii tajaajiloota giddugaltummaa daa'ima fi maatii keessaniif barbaachisaa ta'e keessatti yeroodhaan argachuu qabdu.
- Mirgi tajaajiloota giddugaltummaa duraanii naannoowwan uumamaa keessattii fedhiwwan dagaagina daa'imman keessanii guutuudhaaf argachuu.
- Mirga icciitii **odeeffannoo dhuunfaatti adda baafamani**eeuguudhaan tursiisuu.
- Mirga koppii jalqaba giddugaltummaa galmees daa'ima keessanii kaffaltii tokko malee argachuu.
- Mirga garagalcha madaallii, gamaggammii, akkasumas IFSP hundumaa kan dirqama hanga danda'ametti walgahii IFSP booda dhiyeeffaman argachuu.
- Mirga adda baafachuu akkasumas madaaluu, akkasumas yoo barbaachisaa ta'e, galmeewwan daa'ima keessanii jijjiiruu.
- Mirga waldhabdee maatii/dhiyeessitootaa furuudhaaf jaarsummaa gaafachuu fi/ yookin murtee of danda'aa bilisa ta'e argachuu.
- Mirga komii bulchiinsaa dhiyeessuu.

Mirgoota armaan olitti ibsaman itti dabaluuudhaan Kutaa C jalatti eegumsoota qajeelfama murtaa'an beekuudhaaf mirga qabdu. mirgootni kunniinis armaan gaditti ibsamani jiru.

*Odeeffannoon dhuunfaadhaan beekamu kanneen armaan gadii of keessatti haammata: 1) maqaa daa'ima keessanii, maqaa keessan yookin maqaa miseensota maatii biroo; 2) teessoo daa'ima yookin maatii keessanii; 3) eenyumeessituu dhuunfa kanneen akka lakkoofsa Sochiyaal seekiyuuritii daa'ima keessanii; 4) eenyummeessituu al-kallatti kanneen biroo, kanneen akka guyya dhalootaa, bakka dhalootaa akkasumas maqaa haadhaa gaa'elaan duraa kennameef; 5) tarreeffama amaloota dhuunfaa yookin odeeffannoo biroo kanneen daa'ima keessan haqaa sababa qabeessa ta'een adda baafachuuf dandeessisan; yookin 6) odeeffannoo nama sagantaan giddugaltummaa dursaa kara sababa qabeessa ta'een eenyummaa daa'ima keessanii beekuun gaafataman.*

### Beeksisa Barreeffamaan Duraa

Dhiyeessaan tajaajila giddugaltummaa duraanii eenyummeessaa, madaallii, yookin ramaddii daa'ima keessanii yookin dhiyeessii tajaajiloota giddugaltummaa duraanii daa'ima fi maatii keessaniif osoo hin eegaliin yookin hin didiin yokin hin jijjiiriin dura beeksisiin barreeffama duraa dirqama yeroo sababa qabeessa ta'e keessatti isiniif kennamuu qaba. Beeksisichi dirqama haala gahaa ta'een waayee armaan gadii isin beeksisuuf ibsamuu qaba:

- Gocha kontiraaktara tajaajiloota giddugaltummaa duraanii yookin dhiyeessaa tajaajila gidduugaltummaatiin gaafatame yookin didame.
- Tarkaanfii fudhachuudhaaf sababoota jiran.
- Eegumsoota qajeelfamaa kanneen Kuta C jalatti argaman hunda.
- Jaarsummaa Isteetii, komii isteetii, akkasumas qajeelfamoota adeemsa dhageettii murtoo haqaa, ibsa waayee akkaataa ittiin komii dhiyeessanii fi tartiiba yeroo qajeelfamoota sanaaf jiran of keessatti dabalachuudhaan.

Beeksisichi dirqama afaan hawaasa waliigalaaf ifa ta'e akkasumas afaan qooqa ittin hiikkattaniin barreeffamuu qaba, kana gochuun ifaan waan hin danda'amne yoo ta'e malee.

Afaan dhaloota keessan yookin haalonni qunnamtii biroo afaan barreeffamaa miti yoo ta'an, dhiyeessaan tajaajila gidduugaltummaan yeroo duraanii waan kana taasisuudhaaf tarkaanfii ni fudhata.

- Beeksisichi afaan yookin karaa qunnamtiiwwan biroo gara afaan dhalootaa keetiitti hiikame jira.
- Beeksisicha hubattaniittu; akkasumas
- Ragaan barreeffamaa kan ulaagalee qajeelfama kana keessatti ibsaman ittin guutaman ni jira.

### Eeyyama maatii

Eeyyama jechuun:

- Sochii eeyyamni keessan irratti barbaachisu irratti odeeffannoowwan wal-qabatan hundumaa afaan dhalootaa keessaniin akka beektan taasifamee jira;
- Gocha eeyyamni keessan irratti barbaachisu taasisuudhaaf barreeffamaan dubbisuun hubattanii waliigaltanii jirtu, akkasumas eeyyamichi gochicha kan ibsuu fi galmeewwan(yoo jiraate) giddugaltummaa duraanii gadhiifamuu fi eenyuuf akka gadhiifamu tarreessa.
- Eeyyama keessan kennuun fedhii keessan irratti kan hundaa'uu akka ta'e fi yeroo barbaaddaniitti akka kaasuu dandeessan ni hubattu.

Eeyyama keessan yoo shaartan duubatti hin deebi'u ( gocha eeyyamichi osoo hin haqamiin dura turee hin ilaallatu).

Eeyyamani barreeffamaa keessan gaafa guyyaa kanaan gadii dura argamuu qaba:

- Daa'imni keessan qaama miidhaamaa ta'uutti yoo shakkaman murteessuudhaaf qorannoo dagaaginaa to'achuun dura.
- Madaalliiwwan akkasumas gamaggammii daa'ima keessanii hundumaa gaggeessuun dura.
- Daa'ima keessaniif tajaajiloota giddugaltummaa duraanii dhiyeessuun dura.
- Tajaajilootaaf kaffaluudhaaf faayidaalee yookin inshuraansii hawaasaa yookin inshuraansii dhuunfaa fayyadamuun dura.
- Odeeffannoo eenyummeessituu dhuunfaa waayee keessanii fi daa'ima keessanii qooduun dura.

*Afaan dhalootaa, bakka namoota hanqina dandeettiiwwan afaan Ingiliffaa qaban jiranitti, kana jechuun afaan ati qofaan itti fayyadamtuu jechuudha. Yeroo madaalliiwwanii fi gamaggammii daa'ima keessanii gaggeessitanitti, afaan dhalootaa jechuun afaan baratamaa daa'ima keessaniin dubbatamu jechuudha. Namoota duudaa yookin rakkoo dhageettii qabaniifii, kanneen qaroon isaanii hin argine yookin qaroo dhabeessaa yookin nama qooqa afaanii hin qabneef yeroo itti fayyadamtan, afaan dhalootaa jechuun afaan namni sun namaa biraa waliin waliigaluuf barteedhaan itti fayyadamuu jechuudha (kanneen akka afaan mallattoo, bireelii yookin qunnamtiiwwan jechoota jiran).*

Eeyyamni barreeffamaa keessan dirqama tajaajilootni giddugaltummaa duraanii osoo hin dhiyeeffamiin dura argamuu qaba.

Yoo eeyyama keessan hin kennitan ta'e, isin dirqisiisuudhaaf (dhiibbaa irratti uumuu) gochi raawwatamu hin jiru. Karaa biraa, Qindeessaan Qabeenya Maatii (Family Resources Coordinator, FRC) yookin diddaa keessani haquun akka eeyyama kennitan isin taasisuuf dhiyeessan tajaajila giddugaltummaa duraanii qajeelfama dhageettii murtoo haqaa hin fudhatu.

Qindeessaan Tajaajila Maatii (Family Resource Coordinator, FRC), dhiyeessaan tajaajila giddugaltummaa duraanii yookin hojjetaan sirrii gahumsa qabu akka isiin waantoota kana gadii taatan mirkaneessuudhaaf dhamaatii sirrii ta'e taasisa:

- Waayee uumama qorannoo, madaallii akkasumas gamaggammiiwwan yookin tajaajiloota argamuu danda'anii sirrittiin ni beekuu.
- Yoo eeyyamni kenname malee daa'imni keessan qorannoo, madaallii akkasumas gamaggammii yookin tajaajilooticha argachuu akka hin dandeenye hubadhaa.

Kutaa C jalatti akka maatii daa'ima gahumsaa qabuu tokkootti, miseensonni maatii keessani kanneen biroo sagantaa kana jalatti daa'imni keessan tajaajila(oota) giddugaltummaa duraanii kamiyyuu akka fudhatan yookin akka hin fudhannee murteessuu dandeessu. Akkasumas sagantaa ESIT jalatti tajaajiloota giddugaltummaa duraanii kanneen biroo balaaf hin saaxiliin jalqaba erga fudhattanii booda tajaajiloota akkanaa (akkaataa dambichaatiin gochoota bulchiinsaa Qindeessii Qabeenyota Maatii barbaachisoo kanneen ta'aniin alatti) diduu ni dandeessu.

### Galmeewwan

#### Icciiitooma

Qajeelfamoota icciitawoo odeeffannoo galmee kana keessatti ibsame irratti hundaa'uudhaan, waayee qorannoo, madaallii akkasumas gamaggammiiwwanii, murtoowwan gahumsaa, dagaaginaa fi hojii irra ooltummaa IFSPs, dhiyeessii tajaajiloota giddugaltummaa duraanii, komiiwwan dhuunfaa waayee daa'ima keessanii, akkasumas galmeewwan sagantaa Kutaa C kan waayee daa'ima keessanii yookin maatii keessanii agarsiisu qorachuuf yookin madaaluuf carraan isiniif kennamuu qaba.

Dhiyeessan tajaajiloota giddugaltummaa duraanii hundi isaanii galmeewwan daa'ima keessan yookin maatii keessanii waliin wal-qabatan hundumaa qorachuudhaafi gamaggamuuf (sa'atiwwan hojii irratti), daa'imni keessan tajaajiloota giddugaltummaa duraaniitiif erga ergamee booda kontiraataan yookin dhiyeessan seerota odeeffannoo federaalaa fi naannoo Kutaa C jalatti walitti qabaman, tursiifaman yookin kan eejansiwwan hirmaatoo itti fayyadaman tursiisuu fi kanaan booda yeroo barbaachisutti hanga turuu danda'utti yeroo hojii keessatti isiniif kennuu qaba. Dhiyeessaan giddugaltummaa duraanii barfannaa hin barbaachifnee fi walgahii kamiyyuu duraan IFSP dhaan wal-qabatee yookin eenyummeessaa, madaallii, ramaddii, yookin murtoo dhiyeessiin wal-qabatee akkasumas erga gaafatamee booda haala kamiiniyyuu guyyaa kalaandaraa 10'n olii keessatti daa'ima fi maatii keessaniif guutuu qaba.

Carraan galmeewwan giddugaltummaa duraanii qorachuu fi madaaluu kanneen armaan gadii of keessatti dabalata:

- Mirga waayee galmeeicha ibsaa fi hiikaan isaanii gaaffiiwwan sababa qabeessaa ta'aniif dhiyeessaa tajaajiloota giddugaltummaa irraa deebii argachuu.
- Mirga dhiyeessaan galmee odeeffannoo qabu akka dhiyeessuuf dhiyeessaan tajaajila giddugaltummaa duraanii galmeewwan odeeffannicha of-keessaa qaban akka dhiyeessuuf gaafachuu.
- Mirga nama bakka keessan bu'uudhaan galmee qoratu fi madaalu argachuu.

Dhiyeessaan tajaajiloota giddugaltummaa duraanii galmeewwan daa'ima keessan waliin wal-qabatan qorachuufi madaaluudhaaf akka aangoo qabdan itti tilmaama, seera naannoo sanaa irratti hundaa'uudhaan dhaabbatichi yookin dhiyeessaan sun galmee (dookimentii) hin qabu yoo ta'e malee, dhimmoota akka eegumsaa, guddistootaa, guddifachaa, adda bahinsaa fi wal-hiikinsaa jiraan kan ilaalu seera naannoo ilaallatu sanaa irratti hundaa'uudhaan.

Dhiyeessitoonni tajaajiloota giddugaltummaa hundi isaanii galmeewwan barreeffamaa Kutaa C (gahinsa maatiiwwan kontiraataanii yookin dhiyeessaanii akkasumas hojjetoota eeyyama qaban yoo ta'aniin alatti) jalatti walitti qabaman, argaman yookin tajaajilan, maqaa paartichaa, guyyaa kennameef akkasumas paartichaa galmee daa'ima isaa akka itti fayyadamuuf dhimmaa paartichaa eeyyamame dabalachuudhaan argachuu qabu.

Galmeen giddugaltummaa duraanii kamiyyuu daa'imman tokkoo oli irratti odeeffannoo kan of keessaa qabu yoo ta'e, isin kan qorachuu fi madaaluu dandeessan odeeffannoo daa'imaa yookin isin waliin wal-qabatan qofaa yookin waayee odeeffannoo murtaa'e sanaa beeksisuufi dha.

Dhiyeessitoonni tajaajiloota giddugaltummaa duraanii yeroo gaafattanitti, tarreeffama gosootaa fi naannoowwan galmeewwan giddugaltummaa durii kanneen walitti qabaman, tursiifaman, yookin kontiraaktara yookin dhiyeessichaan itti fayyadamanii hundumaa isiniif kenna. Dhiyeessan tajaajila giddugaltummaa duraanii koppiiwwan galmee isiniif Kutaa C jalatti kaawamaniif tarii kaffaltii isin kaffalchiisuu mala, yoo kaaffaltichii seeraan galmeewwan sana ilaalu fi qorachuudhaaf carraa qabdan shaakaluu irraa isin hin dhorku ta'e. Haa ta'u malee, Kutaa C jalatti odeeffannoo jiru barbaaduuf yookin gadi baasuuf kaafaltii isin gaafachuu dhiisuu danda'u. dabalataanis, Walgahii IFSP hundumaa booda hanga danda'ametti koppiin madaalliwwan hundaa, gamaggammiin daa'imichaa, gamaggammiin maatii fi koppiin IFSP isiniif kennamuu qaba.

Odeeffannoowwan Kutaa C jalatti walitti qabaman, argaman yookin itti fayyadamtan odeeffannoo giddugaltummaa duraanii keessatti sirrii miti yookiin dogongorsiisaadha, yookin jireenya dhuunfa keessan yookin kan daa'ima keessanii ni tuqa jettanii yaaddu yoo ta'e, odeeffannicha fooyyessuudhaaf dhiyeessaa tajaajila giddugaltummaa odeeffannicha eeguudhaan tursiisuu gaafachuu dandeessu.

- Koontiraataan yookin dhiyeessichi gaafficha erga fudhatee booda yeroo sirrii ta'e keessatti odeeffannichi haala gaafichaatiin akka fooyya'u murteessuu qabu.
- koontiraataan yookin dhiyeessaan akkasii haala isin ittiin gaafattan irratti hundaa'uudhaan fooyyessuuf eeyyamamaa miti yoo ta'e, diduu isaa isin beeksisuu fi isin dhageessisuuf mirga qaban ilaallatee gorsa isiniif kennuu qaba.

*Hiikonni armaan gadii kutaa kana jalatti hojii irra oolu: (1) "Badii" jechuun kana boodaa addatti kan hin beekamne ta'uu isaa mirkaneessuuf ragaa qaama irraa balleessuu yookin barbadeessuu jechuudha; (2) "Galmeewwan giddugaltummaa dursaa", "Galmeewwan barnootaa" yookin "galmeewwan" jechuun Kutaa C jalatti galmeewwan daa'imicha waliin wal-qabatanii funaanamuu, eegamuu yookin fayyadamuu qaban hunda jechuudha; akkasumas (3) "Eejansii hirmaatu" jechuun ulaagaalee Kutaa C jala jiran hojii irra oolchuuf nama dhuunfa, eejansii, garee yookin dhaabbata odeeffannoo adda baaftuu dhuunfaa walitti qaban, eeganii fi itti fayyadaman kamiyyuu jechuudha. Eejansiwwan hirmaatan eejansii bulchaa naannoo, dhiyeessaa tajaajila giddugaltummaa duraanii kan tajaajiloota Kutaa C (qindeessii tajaajilaa, madaalliiwwanii fi gamaggammiiwwan akkasumas tajaajiloota Kutaa C kanneen biroo) dhiyeessu of keessatti dabalata. Maallaqa tajaajiloota giddugaltummaa duraanii kanneen kennan maddeen akeekaa yookin eejansiwwan mootummaa yookiin dhuunfaa of keessatti hin dabalatu.*

Dhiyeessaan tajaajila giddugaltummaa duraanii dirqama, yeroo gaafatametti, odeeffannoowwan giddugaltummaa sirriidhaan galmeessu hundumaa irratti sirrii fi kan dogongora qabu yookin kan dogongora hin qabne ta'uu isaa mirkaneessuufii seeraan dhagahuudhaaf carraa kennuu qaba, kunis dhuunfummaa kee fi daa'ima keetii yookin mirgoota biroo hin tuqu. Qajeelfama Kutaa C yookin Seerota Mirgoota Barnoota Maatii fi Gocha Dhuunfaa (Family Educational Rights and Privacy Act, FERPA) waliin kan waliigalan akkaataa 34 CFR 99.22 itti adeemsa dhageetti seera haqaa gaafachuu dandeessu.

- Sababa dhaddachichaatiin koontiraataan yookin dhiyeessaan akkanaa odeeffannichi kan sirrii hin taane, dogongorsiisaa, yookin dhuunfummaa yookin mirgoota biroo kee fi daa'ima keetii kan tuqu akka ta'etti yoo murteesse odeeffannicha haala kanaan fooyyessuu fi barreeffamaan beeksisuu qaba.
- Sababa dhaddachichaatiin koontiraataan yookin dhiyeessaan akkanaa odeeffannichi kan sirrii hin taane, kan dogongora qabu, yookin dhuunfummaa kee fi daa'ima keetii kan hin tuqne akka ta'etti yoo murteesse, galmeewwan daa'ima keessanii keessa kaawuu, hima odeeffannicha irratti yaada kennuu, akkasumas murtoo koontiraaktara yookin dhiyeessicha irratti sababoota ittiin waliif hin galle hundumaa beeksisuuf mirga qabdu.

- Galmeewwan yookin kutaan falmichaa (kutaa galmeewwan kan isin ittiin waliif hin galle) koontiraataa yookin dhiyeessaa kanaan hanga turutti, adeemsa hojiiwwan kanaan keessatti galmeewwan daa'ima keessanii keessatti ibsi kaawame kamiyyuu, dhiyeessaa tajaajila giddugaltummaa dursaatiin akka qaama galmeewwan daa'ima keessaniitti kaawamuu qaba.
- Galmeen daa'ima keessanii yookin kutaan falmiisaa koontiraataa yookin dhiyeessaa akkanaatiin qaama sanaaf yoo ibsame, ibsi keessaniis akkasumas qaama sanaaf ibsamuu qaba.

### Eeyyama Odeeffannoo ofii Ifa Baasuun Dura

Eeyyamni maatii dirqama dursee argamuu qaba, osoo odeeffannoon dhuunfaadhaan adda baafamanii beekaman kunniin hin argamiin dura:

- Kutaa C (34 CFR 303.414) fi FERPA (34 CFR 99.31) jalatti akka eeyyama argatuuf kan eeyyamameen alatti, Kutaa C jalatti odeeffannoo funaanuuf, eeguuf yookin fayyadamuuf aangawoota koontiraataa yookin dhiyeessitootaan alatti namoota hundatti ifa bahee jira; yookin
- ulaagaalee Kutaa C jala jiran guutuun alatti waantota hundaafuu ni fayyada.

Koontiraataan yookin dhiyeessan sun FERPA jalatti akka hojjetuuf yoo eeyyamamuufii baateen alatti, Odeeffannoon galmeewwan giddugaltummaa daa'ima keessanii dhiyeessitoota eeyyama keessan malee tajaajila giddugaltummaa duraanii eejansiwwan biroo kennaniin hin gadhiifamani. Eeyyama kennuu yoo diddan, dhiyeessaan tajaajila giddugaltummaa duraanii qajeelfamoota diddaa waliin wal-qabatan, kanneen akka akka waliigaltee isatti kennamuu dhiisuu, dandeettii tajaajiloota giddugaltummaa argachuu irratti akka dhiibbaa fidu danda'u hubachiisuu, qajeelfamoonni sun eeyyamichan mormuudhaaf mirga isaanii hanga hin tuqamnetti hojii irra ni oolcha.

Kutaa C jalatti, ESIT maqaa fi guyyaa dhalootaa akkasumas odeeffannoo qunnamtii (Maqaa, teessoo, fi lakkofsa bilbilaa keessan dabalachuun) eeyyama keessan malee gara eejansii barnootaa isteetii (Waajira to'annoo bulchiinsa uummataa) akkasumas eejansii barnootaa naannoo (distiriktii mana barnootaa naannoo) bakka daa'imni keessan jiraatanii gadhiisuutu irraa eegama. Odeeffannoon kun IDEA Kutaa B jalatti daa'imman tajaajilootaaf gahumsa qabaachuu danda'an hundumaa adda baafachuuf barbaachisaadha.

Eegumsoonni armaan gadii dirqama iccitooma galmeewwanii mirkaneessuuf jiraachuu qabu:

- Dhiyeessaan tajaajila giddugaltummaa dursaa dirqama icciitii odeeffannoo adda baaftuu dhuunfaadhaan beekaman sadarkaalee walitti qabamaa, eegumsaa, kuusaa, ifa baasuu, akkasumas balleessii hundumaa eeguu qaba.
- Aangawoon dhiyeessitoota tajaajila giddugaltummaa hundi isaanii itti gaafatamummaa icciitii odeeffannoowwan dhuunfaadhaan beekaman kamiyyuu mirkaneessuu qabu.
- Namoonnii odeeffannoo addabaftuu dhuunfaa funaananii fi fayyadamaa jiran hundi isaanii dirqama leenjii yookin qajeelfama waayee seerota Kuta C Washingitanii fi qajeelfamoota IDEA fi FERPA waliin wal-qabatan fudhachuu qabu.
- Dhiyeessitoonni tajaajila giddugaltummaa dursaa hundi isaanii kanneen odeeffannoowwan ifatti adda baahanii beekaman argachuu danda'an hojjetoota eejansicha keessatti argaman, maqaa fi tarreefama woktaawaa bakkeewwan hojii qorannoo uummataatiif kaawuu qabu.
- Kutaa C, dambii GEPA 20 USC 1232f, fi EDGAR, 34 CFR kutaalee 76 fi 80 keessatti tajaajila daa'ima yookiin maatii keessaniif kennuuf odeeffannoowwan dhuunfaadhaan moggaafaman kan walitti qabaman, kan eegaman yookin kan fayyadan kana booda yeroo hin barbaachisnetti dhiyeessaan giddugaltummaa dursaa dirqama maatiitti himuu qaba.
- Yoo odeeffannichi dhiyeessii tajaajila daa'imichaaf yookin maatiidhaaf hin barbaachisu ta'e gaaffi maatiitiin odeeffannoowwan sun dirqama balleeffamuu qabu.

Tarii odeeffannoon maqaa, guyya dhalootaa, teessoo abba/haadha (teessoo fi lakkofsa bilbilaa dabalatee) maqaa qindeessitoota tajaajilaa(oota) (FRCs), akkasumas dhiyeessaa(oota)giddugaltummaa dursaa, akkasumas odeeffannoo bahumsaa (wagga fi bara itti bahan dabalatee, akkasumas erga bahee boodaa sagantaa itti seene) daangaawwan yeroo malee tursiifamuu danda'u.

### Qajeelfamoota Wal-dhabdee Furuu

Waayee sagantaa giddugaltummaa daa'ima keessanii irratti yaada yoo qabaattan, maaloo hanga danda'ametti garee FRC yookin IFSP dhaaf qoodaa. Sagantaan ESIT furmaata wal-dhabdeewwanii hanga sadarkaa gadi-aanaa danda'ametti deemuun wal-dhabdeewwan furuu ni jajjabeessa. Haa ta'u malee, yoo yaadonni karaa seeraan ala ta'een furamuu hin danda'an ta'e, filannoowwan biroo wal-dhabdee furuu ni jiru.

Eenyummeessaa, madaallii, ramaddii daa'ima keessanii, yookin dhiyeessii tajaajiloota giddugaltummaa duraanii daa'ima yookin maatii keessaniif dhiyeessuu irratti yoo wal-dhabdan(walii hin galle), furmaata yaadaa keessanii kanyeroo isaa eeggate gaafachuu ni dandeessu.

**Kanneen armaan gadii sadan qajeelfamoota seeraan alaa wal-dhabdee furuudhaaf isin gargaaran dha. Kunninis jaarsummaa, adeemsa murtoo of-danda'aa ta'e akkasumas komii bulchiinsaa of keessatti ni dabalatu.**

### Jaarsummaa

Jaarsummaan karaa mormii hin qabneen wal-dhabdeewwan furuudhaaf carraa isiniif kenna.

Kunis dirqama fedhiidhaan akkasumas karaa bilisa ta'een qaamota lamaaniin waliigalamuu qaba.

Faayidaalee adeemsa jaarsummaa ibsuuf, akkasumas faayidaa jaarsummaa jajjabeessuuf Eejansiin bulchaa isteetii maatii fi dhiyeessitoota tajaajila kanneen adeemsa jaarsummaa akka carraa namoota fedhii hin qabne (IM) kanneen tuta wal-dhabdee furu yookin gidduugala leenjii fi odeeffannoo maatii yookin gidduugala qabeenya maatii hawaasaa Isteeticha keessa jiruu waliin koontiraatamee jiru waliin yeroo fi bakka mijataa ta'etti akka ittiin wal qunnamaniitti warra hin ilaalleef qajeelfama bu'ureessa.

Jaarsummaan karaa eejansii bulchaa naannoo gaaffii jaarsummaa erga ofitti fudhatee booda waktii isaatti xumuramuu qaba akkasumas dadhacha adeemsa murtoo haqaa of-danda'aatiin mirgoota keessan eeguudhaaf yookin tursiisuudhaaf Kutaa C jalatti mirgoota keessan biroo eeguudhaaf hojii irra ooluu hin danda'u.

Jaarsummaan karaa yeroo isaa eeggateen, bakka qaamota lamaaniifuu mijataa ta'etti karoorafamuu fi taasifamuu qaba. Jaarsoomaan dandeettii qabuu fi qaama lachuu irraa iyyu bilisa ta'e, haala jaarsummaa bu'aa qabeessa ta'een kan leenj'ee, haala baratamaa hin taanee keessatti wal-dhabdeen isaani akka furmaata argatuuf qaamota lamaan iyyu qunnamu.

Eejansiin bulchaa Isteetii qaama miidhamtootaaf daa'immanii fi daa'imman ol guddatan akkasumas maatiin isaanii waayee tajaajiloota giddugaltummaa dursaa kennuu irratti tarreeffama jaarsota(araarsitoota) seerota fi dambiiwwan sirriittiin beekan of keessatti qabatee jira. Araarsitoonni dirqama callisiidhumaan, carraa naannessuun yookin qaamota of-danda'oo birootiin filatamuu qabu. Eejansiin bulchiinsa Isteetichaa jaarsummaa jajjabeessuuf baasiwwan walgahii kamiyyuu dabalachuudhaan baasii jaarsummaa hundaaf itti gaafatamummaa qaba.

Wal-dhabdeen sun jaarsummaadhaan yoo hiikame, qaamonni lamaan waliigaltee seeraan dirqisiifame kan adeemsa murtoo sanaa ibsuu fi yeroo adeemsa jaarsummaa waantonni taasifaman hundi iccitiidhaan eegamuu akka qaban hima, akkasumas adeemsota haqaa itti aanan yookin mormiiwwan mana murtii keessatti akka ragaatti hojii irra ooluu hin danda'ani. Waliigalteen sun bakka bu'aa eejansii bulchaa isteetiitiin isinii fi eejansiwwaan sana walitti hidhuudhaaf aangoo qabuun mallatteeffamuu qaba. Waliigalteen jaarsummaa barreeffamaan mallatteeffame sun aangoo Isteetii kamitti iyyuu yookin goodinoota mana murtii Ameerikaa hunda keessatti hojii irra oolfama.

Jaarsummaan yeroo kamitti iyyuu adeemsa haqaa of-danda'aa ta'e gaafachuu irraa isin hin dhorku. Haala fuula itti aanu irratti ibsameen adeemsa jaarsummaa fi haqaa bilisaa fi danda'aa ta'een al tokkoon gaaffii dhiyeessuu dandeessu.



## Daddacha adeemsa hojii loogii hin qabne

Dhaddachi adeemsa haqaa of- danda'aa ta'e kan Aangawonni Dhageettii qajeelchan yeroo ta'u, bakka ijoollee isaanii bu'udhaan kanneen ol-iiyannoo namoota dhuunfaa dhiyeessuudhaaf barbaadaniif filanno isa tokko dha.

Adeemsi haqaa loogii hin qabne erga gaaffichi qaqqabee booda guyyota kalaandaraa 30 keessatti xumuruu akkasumas barreeffamaan murtoo kennuu qaba. (Jaarsummichi yoo yaalame haaluma wal-fakkaatuun guyyoota 30 keessatti taasifamuu qaba.)

Aangawoon Dhageettii adeemsa dhageettiiwwan haqaa gaggeessuuf filatamanii jiru. Aangawoonni Dhageettii waayee daangessiiwwan Kutaa C akkasumas barbaachisummaa tajaajiloota daa'imman gahumsa qabaniif argamanii akkasumas maatiiwwanii fi dalagaawwan armaan gadii raawwachuu irratti dandeettii gahaa ta'e qabaachuu qabu.

- Waayee komiichaa dhiyeessii odeeffannoo seera qabeessa ta'e dhaggeeffadhaa, odeeffannoowwan dhimmicha waliin wal-qabatan hundumaa qorachuudhaan komii keessan yeroo isaatti furuudhaaf yaalii taasisaa.
- Murtoo barreeffamaa dabalatee baasii bulchiinsaa naannoo sanaatiin galmee adeemsichaa dhiyeessaa.

*Waayee Araarsitootaa fi Aangawoota Dhageettii: Araarsitoonni akkasumas Aangawoon Dhageettii adeemsa haqaa dirqama "Loogin" ala ta'uu qabu. Loogin ala(bilisa) jechuun gidduu qaama lachuu ta'uudhaan yookin aangawoo dhageettii ta'uudhaan akka tajaajiluuf nama filamedha (1) Hojjetaa eejansii Bulchaa Naannoo, dhiyeessaa tajaajila giddugaltummaa tajaajiloota kana dhiyeessuu fi tajaajiloota biroo irratti kan hin hirmaannee, yookin kunuunsa daa'immanii keessatti kan hin hirmaanne dha; akkasumas (2) adeemsicha gaggeessuu keessatti fedhii dhuunfaa yookin oogummaa kan qaamota sana waliin walitti buusu qabaachuu hin qabu. Akka Araarsaatti yookin Aangawoo Dhageettiitti namni gahumsa hin qabne tokko hojjetaa eejansii Isteetii bulchuu, dhiyeessitoonni tajaajila giddugaltummaa dursaa qofaa miti, sababni isaas namni sun eejansii yookin sagantaa araara yookin daangessiiwwan adeemsa murtoo haqaa hojii irra oolchuuf waan kaaffaltii argateefidha.*

Kutaa C jalatti, mirgootni adeemsa murtoo haqaa qajeelfamoota kana jalatti taasifamanii irratti isiniif kennaman jiru.

- Gorsaa waliin deemuuf akkasumas gorsamuuf(baasii keessaniin) akkasumas namoota dandeetti addaa yookin leenjii waayee tajaajiloota giddugaltummaa daa'immanii Kutaa C jalatti gahumsa qaban (baasii keessaniin) irraa argachuuf.
- Ragaa dhiyeessuu fi kallattiidhaan ittin mormuudhaaf, qorachuudhaaf akkasumas ragaaleen akka argaman dirqisiisuudhaaf.
- Mormin osoo hin eegaliin dura yoo xiqqaate, guyyootni kalaandaraa shan ragaalee isiniif hin ibsamne kamiyyuu dhaddachicha irratti akka hin dhiyaannee dhorkuudhaaf.
- Garagalchii(koppii)mormii barreeffamaa yookin afaaniin taasifame sanaa argachuudhaaf isiniin baasii tokko ille hin gaafatu.
- Argannoowwanii haqaa fi murtoowwan barreeffamaa baasi tokko malee argachuudhaaf.

Adeemsa kana keessatti adeemsi haqaa bilisaan ibsame bakka fi yeroo isiniif mijataa ta'e keessatti taasifamuu qaba. Eejansiin dhageettii bulchaa Isteetii komii keessan erga fudhatee booda guyyota kalaandaraa 30 booda ta'uu hin qabu, adeemsi haqaa loogii hin qabne xumuramuu akkasumas namoota hundaaf murtoo barreeffamaa karaa poostaatiin erguu qaba. Aangawoon dhageettii mana murtii gaaffii qaamota lamaaniin irratti hundaa'uun guyyoota 30 oliif dheeressituun yeroo kennamuu danda'a. Qaamni argannoowwanii fi murtee adeemsa murtoo haqaa loogii hin qabnee kana itti hin gammadne himannaa isaa mana murtee federaalaa yookin naannootti dhiyeeffachuu danda'a.

Dhiyeessaan tajaajila giddugaltummaa dursaa fi isin yoo walii hin galle ta'e malee, ol-iiyannoon adeemsa murtii haqaa of-keessatti qabatu kamiyyuu yeroo raawwatamutti IFSP daa'imni yookin maatiin keessan eeyyaman keessatti haaluma ibsameen giddugaltummaa tajaajilootaa seera qabeessa ta'an argachuu isaanii itti fufu.

Komiin tajaajiloota dursaa Kuta C jalatti argamaniif iyyata kan of keessatti dabalatu yoo ta'e, tajaajiloota daa'imni fi maatiin keessan ittiin wal-hin mormine sana kennuu qabu.

## Komiiwwan Bulchiinsaa

Adeemsa murtii haqaa armaan olitti eeraman itti dabaluuudhaan warreen naannoo biraa irra dhufan dabalachuudhaan, namni dhuunfa tokko yookin dhaabbata eejansii mootummaa kamiyyuu irratti yookin dhiyeessitoota tajaajilaa dhuunfaa irratti tajaajila giddugaltummaa dursaa dabalatee ulaagaa sagantaa Kutaa C tuqu kamiyyuu dabalatee ol-iiyannoo barreeffamaan mallatteefame dhiyeessuu danda'u. Eejansiin bulchaa Isteetii leenjii maatii fi giddugaloote odeeffannoo, eejansiwwan bakka bu'oota fi abukaattoo dabalatee qajeelfama komiiwwan isteetichaa maatiiwwanii fi namoota fedhii qabeeyyii birootiif bal'inaan ni raabsa.

Komiin dirqama kan of keessatti qabaachuu qabu:

- Himaa eejansiin dursaa, eejansiin hawaasaa, yookin dhiyeessaan tajaajila giddugaltummaa duraanii ulaagaa Kutaa C miidhee jira jedhu.
- Haqni kan himichii irratti hundaa'edha.
- Mallattoo fi odeeffannoo qunnamtii nama komii kana guutuuf kennamu.
- Dhimma daa'ima tokkon wal qabatee himannaa yoo ni bantu ta'e:
  - Maqaa daa'ima fi teessoo bakka daa'imni sun jiraatuu.
  - Maqaa koontiraata tajaajiloota giddugaltummaa dursaa yookin dhiyeessa tajaajila giddugaltummaa duraanii.
  - Ibsa uumama rakkoo daa'ima haqoota rakkoo sanaan walqabatan of keessatti dabalatee.
  - Yeroo komiin sun itti dhiyaatutti hamma beekamuu fi argamutti yaada rakkoo sanaaf dhiyaatedha.

**Komiiwwan bulchiinsaa turtii waggaa (1) ibsame kana keessatti dirqama eejansii bulchaa isteetiidhaan guutumuu fi fudhatamuu qaba.** Namni yookin eejansiin iyyannoo sana dhiyeessu garagalcha yookin koppii nama komii sanaa dhiyeessee gara dhiyeessaa tajaajila giddugaltummaa dursaatti komii isaa eejansii bulchaa naannoo sanaa waliin yeroo wal-fakkaataatti dhiyaachuudhaan daa'ima sana tajaajilu qaba.

Eejansiin bulchaa naannoo komii sana erga fudhatee booda kanneen armaan gadii hojjechuudhaaf guyyootakaalaandaraa 60 qabu.

- Qorannoo eejansii bulchaa naannoo barbaachisaa ta'uu isaa murteessinaan qorannoo ofdanda'aa fi bilisa ta'e bakka sanatti gaggeessuudhaaf.
- Nama yookin dhaabbata iyyannoo sana dhiyeessuuf waayee himannaawwan iyyannoo sana keessa jirani odeeffannoowwan dabalataa afaaniinis ta'ee barreeffaman akka dhiyeessuuf carraa kennuudhaaf.
- Eejansiwwaniif/dhiyeessitootaaf murtoo bulchaa eejansichaa irratti hundaa'uudhaan komicha akka deebisaniifii, iyyannoo sana banuudhaaf yaadni dhiyaate akkasumas qaamonnii hundi jaarsummaa keessatti akka hirmaataniif carraa kennuudhaaf.
- Odeeffannoo barbaachisoo ta'an hundumaa madaaluuf akkasumas ulaagaa Kuta C darbuun mudachuu fi dhiisuu isaa irratti murtoo of-danda'aa bilisa ta'e kennuudhaaf.
- Himannaawwan iyyannoo sana keessa jiran hundumaa qaama dhimmi ilaallatuuf nama iyyannoo sana galchuuf murtoo barreeffamaa dhiyeessaa akkasumas dhugaawwanii fi argannoowwan cuunfaa akkasumas sababoonni murtoo dhumaas bulchaa eejansiichaa keessatti ni argamu.

Yoo murtoon inni dhumaa tajaajilootni sirrii akka hin dhiyaanne agarsiisa ta'e, eejansiin isteetii bulchu dirqama kanneen furuu qaba:

- Tajaajiloota ta'uu kennamuu qaban, fedhii daa'ima keessanii kan dhimma iyyannoo fi maatii ta'e sirreessuuf, ejjennoowwan sirressii ta'uu qaban( kanneen akka tajaajiloota kaasaa yookin kan akka maallaqaa deebisani kennuu) dabalatee kennuu dadhabuu; akkasumas
- Daa'imman qaama miidhamoo ta'anii fi ol guddataa jiraniifi maatii isaanii hundaaf tajaajiloota gara fuulduraa kennuu.

Eejansiin bulchaa Isteetichaa murtoo sana karaa bu'aa qabeessa ta'een raawwachuudhaaf karaa isaa dandeessisu itti dabaluu qaba, yoo barbaachise, waliigalticha galmaan gahuudhaaf sochiiwwan gargaarsa teeknikaa, waliigalteewwan akkasumas gochoota sirressii dabalachuudhaan.

Iyyannoo barreeffamaa yoo dhiyaates dhaddachi adeemsa murtoo haqaa yookin dhimmoota baay'ee kan qabu yoo ta'u, isaan keessaa inni tokko yookin isaan caala qaama dhaddacha sanaati, eejansiin bulchaa naannoo sana hanga dhaddachichi xumaramutti iyyannoowwan adeemsa haqaa keessatti keessummeeffamaa jiran kutaa iyyannoo kamiyyuu dhiisuu qaba. Haa ta'u malee, iyyannoo sana keessatti dhimmi qaama adeemsa haqaa hin taane kamiyyuu galme'e kana keessatti ibsamee guyyoota kaalandara 60 keessatti fi adeemsota komii keessatti furmaata argachuu qaba.

Adeemsa murtoo haqaa qaamota garee tokko ta'an kan of keessaa qabuun murtiin dursee kan kenname haala hojii kanaatiin ilaalumuu hin danda'ani. Eejansiin bulchaa isteetichaa murtoon dadhachichaa dirqisiisaa ta'uu isaa dhiyeessaa komichaatti himuu qaba.

Dhiyeessaan tajaajila dhuunfaa yookin eejansii mootummaa( kontiraaktara yookin dhiyeessaa tajaajiloota giddugaltummaa duraanii of keessatti dabalachuudhaan) murtoo adeemsa haqaa hojii irra oolchuu dhiisuu isaa irratti komiin dhiyaatu eejansii bulchaa naannichaatiin furmaata argachuu qaba.

### Maatii Bakka Bu'anii Guddisaa jiran

Mirgoonni daa'imman gahumsa hin qabaanneef akkaataa Kutaa C tti kan kabajamuuf, yoo:

- Maatiin kamiyyuu beekamuu hin danda'u;
- Dhiyeessaan tajaajila giddugaltummaa dursaa, yaaliiwwan sababa qabeessa ta'an erga taasissee booda maatii argachuu hin danda'u; yookin
- Seeroota Isteetii jalatti daa'imni kutaa bulchiinsa Waashingitan keessaa isa tokko dha.

Adeemsota itti aananii dhufan irratti hundaa'uun namni tokko maatiidhaaf "bakka bu'aa" ta'ee akka hojjetuuf ramadamee jira.

Qajeelfamoonni kunniin daa'imichi akka namni bakka maatii isaa bu'ee isa guddisuuf barbaaduu isaa murteessuuf, akkasumas maatii biraa isaaf ramaduuf tattaaffii hiika qabeessa ta'e taasisuun guyyoota 30 hin callee keessattii maloota ittiin murtessuudhaaf gargaaran of keessaa qaba.

Yeroo maatiwwan bakka bu'uu danda'an filannutti ulaagaaleen armaan gadii hojii irra oolfamu. Maatiin bakka bu'aan dhiyeessitoota tajaajila giddugaltummaa dursaatiin filatamu, akkasumas dirqama ulaagalee armaan gadii guutuu qabu:

- Fedhii dhuunfaa yookin oogummaa kan fedhii daa'imichaa waliin isa/ishee walitti buusu kan hin qabne.
- Beekumsaa fi dandeettii bakka bu'insa gahaa daa'ima sanaa kan mirkaneessuu danda'u ta'uu qaba.
- Hojjetaa eejansii isteetii kamiyyuu kan hin taane; yookin hojjetaa nama dhuunfaa tajaajiloota, barnoota, kunuunsa, yookin tajaajiloota biroo daa'imaniif yookin miseensa maatii kamiiffyyuu kanneen tajaajiloota giddugaltummaa dursaa kennanii kan hin taane. Namni maatii bakka bu'aa ta'uudhaaf gahumsa qabu tokko, akkaata adeemsota kanaatiin hojjetaa qofaa hin mitii, sababni isaas inni yookin isheen dhiyeessaa tajaajila giddugaltummaatiin dursaatiin akka maatii bakka bu'aatti akka tajaajiluuf kaffalameefii waan jiruuf.

Daa'imni tokko yeroo kutaa Isteetii Waashingitan ta'ee jirutti yookin bakka guddisa daa'immanii keessatti yoo ramadame, eejansiin dhiyeessaa tajaajila giddugaltummaa dursa dirqama eejansii hawaasaa kan akka daa'ima kunuunsuuf ramadamee kana waliin mari'achuu qaba.

Daa'ima kutaa Isteetichaa ta'e tokkoof, eejansii dhiyeessaa tajaajila giddugaltummaa dursaatiin filamuun alatti, abbaan seeraa dhimma daa'imichaa olaantummaadhaan hordofaa jiru tarii maatii isa guddisu danda'u daa'ima sanaaf ramaduu danda'a, hanga namni sun ulaagaalee armaan oliitti ibsaman hunda guutetti.

Maatiin bakka bu'ee guddisu sun akka Kutaa C jalatti ibsametti akkuma maatii dhimmoota hundaa isaanis mirga walfakkaataa qabu.

## Odeeffannoo qunnamtii

Waayee qajeelfama eegumsootaa odeeffannoo bal'aa yoo barbaaddan, Qindeessaa Qabeenya Maatii Naannoo keessanii(Family Resources Coordinator, FRC) qunnamaa, karaa:

Yookin

Iyyannoo dhiyeessuuf, jaarsummaa gaafachuuf akkasumas /yookin adeemsa murtoo haqaa dhaggeeffachuuf yoo karoorsitan, maaloo sagantaa Early Support for Infants and Toddlers (Deeggarsa Dursaa Daa'immanii fi Ijoolleedhaaf, ESIT) qunnamaa, karaa:

### Kutaa Daa'immanii, Dargaggoo fi Maatiiwwanii Isteetii Waashingitan

Early Support for Infants and Toddlers (Deeggarsa Dursaa Daa'immanii fi Ijoolleedhaaf, ESIT)  
PO Box 40970  
Olympia, Washington 98504-0970  
[esit@dcyf.wa.gov](mailto:esit@dcyf.wa.gov)  
[www.dcyf.wa.gov/services/child-development-supports/esit](http://www.dcyf.wa.gov/services/child-development-supports/esit)

### Qabeenya Abukaattummaa Maatii:

Washington PAVE  
(Partnerships for Action, Voices for Empowerment (Miiltummaa Gochaaf, Sagalee Aangomsuuf))  
6316 S. 12th St.  
Tacoma, Washington 98465  
Bilbila: 1-(800) 5-PARENT  
Faaksii: (253) 566-8052  
[www.wapave.org](http://www.wapave.org)